



Puare mê none e jere une di chês feminis che tant e decantavin
i pulitics dal regjim fassist.

Alte un metri e novante, largje di flancs e cun curvis che Maranello
al varès podut lâ a platâsi ,cul contribut di gno nono e veve metût in soreli ben
disevot fîs, ducj mascjos (cun chei vot millions di baionetis ca ziravin pes
placis a varessin frontât il mont di bessôi).

E veve tante venerazion pai nevôts, massime par me ,e jo no
jeri di mancul, a part il fastidi ca mi deve cuant dal nas mi vignive jù il pavêr...
A tirave fûr sachete chel façoleton al pari di une tavuae di
taule, dut imbombît di umôr dal sio nas (e tabacave la viele), dut chel tabac cussumât
restât intor mi si tacave sul barbonçâl ruan e glaçat dal clime brumâl e cun
grinte di comant mi vosave: “Sgnofre frut , sgnofre fuart” e jo sot di chel linzûl
cefâ a trai respîr!

Biade e sante none, cuant a voi a Rome ti raccomandarai al bon
Bergoglio ch’a ti placi tal miôr puest dal paradîs, par chê bontât umane ch’a
tu as vût pe to int e pal to prossim, ancje se chel tabac di nâs mi bruse ancjemò
su la muse e il barbonçâl.

Di Luciano Marinig IW3 QRC